



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 813. Usque Ad Annum 859

Fleury, Claude

August. Vind. [u.a.], 1760

VD18 90117867

§. 11. Leo Armenus Iconoclasta.

[urn:nbn:de:hbz:466:1-66103](https://nbn-resolving.org/urn:nbn:de:hbz:466:1-66103)

e Sæculo ad claustrum transiit. Ergo Wala-
 la Corbejam se recepit, ubi ex Impera-
 toris mandato novus Abbas in locum A-
 delhardi, scilicet ex Discipulis ejus ali-
 quis, qui & ipse Adelhardus vocabatur,
 electus fuerat. Quamvis vero Wala in
 hoc Monasterio esset notissimus, nihilo-
 minus ad januam supplicis habitu com-
 parens omnia, quibus postulantium spi-
 ritus probari solent, humillime sustinuit.
 Nihil ei de rigore Novitiatus relaxatum.
 Hospitibus & ægrotis serviit, jejuniis cor-
 pus attenuavit, finito officio nocturno
 ante Altare in oratione diu perseverare
 & lacrymis pavementum madefacere so-
 litus.

§. XI.

Leo Armenus Iconoclasta.

In Oriente Leo Armenus, ne quis esset,
 quem timere cogeretur, in Insulis &
 Monasteriis diversis custodiæ dari jussit
 Michaelem Antecessorem suum, Proco-
 piam uxorem, & duos filios Theophyla-
 ctum & Nicetam, quos emasculari præ-
 cepit. Omnes tres vitam Monasticam
 professi nomina mutaverunt. Nam pa-
 ter Athanasii nomen sibi elegit, & ad-
 huc dum annis triginta duobus usque ad
 annum octingentesimum quadragesimum
 quintum superstes fuit. Theophylactus
 deinde Eustratius dictus est, & quinque

C 3 annis

Sæculum IX.
A.C. 814.

Sæculum IX. annis post parentis obitum e vivis abiit.
A. C. 814. Nicetas Ignatius appellari voluit, postea
 Patriarcha Constantinopolitanus, virtute & toleratis fortiter ærumnis celeberrimus.

*Simeon
 magist.*

*Auct. incert.
 post. Th. p.
 435.*

Leoni Imperatori brevis quidem statura erat, sed corpus crassum & forma insignis. Vox hominis audientium aures ut tonitruu percellerat, capilli autem capitis usque adeo rigeant, ut cum eos Nicephorus Patriarcha coronam imponens contigisset, manus suas spinis læsas putaret. Dicebatur *Cameleon* tum ob staturæ brevitatem, tum ob mores mutabiles & Hypocrisim. Primum enim Catholicus videbatur, sed statim altero Regni sui anno armorum suorum contra Bulgaros successu tumens Sacris Imaginibus bellum indixit, talia ad Aulicorum aliquem effutire auditus: *Cur, putas, Christiani sub Infidelium jugo premuntur, nisi quia imagines adorant? Memento, omnes Imperatores, qui eas receperunt, de solio pulsos fuisse, vel in bello cæsos, econtra qui eas non adoraverunt, in suo Palatio naturæ debitum solvissè, & honorifice in Ecclesia Apostolorum conditos. Hos imitari apud me constitui, volo diu vivere, & Imperium in filium meum & nepotes usque ad quartam generationem transmittere.* Dicunt etiam a Leone aliquando consultum fuisse quem-

quemdam nomine Sabbatium divinationes & auguria venditantem, qui eum triginta duos annos cum Constantino Filio regnaturum, & Bulgaros devicturum promiserat, si Imagines tolleret. Ergo viros quærens, qui se id molientem adjuvarent, incidit in duos Senatores Joannem *Specia* & Eutyechianum, atque alium quem Presbyterum nomine Joannem inter Iconoclastas exinde fama notissimum. Is Constantinopoli ex nobili familia natus, Grammaticam profitebatur, in Dialecticæ quoque argumentis subtilissimis admodum versatus. Præterea magicæ artis peritus erat, & quia cratere utebatur ad prædicanda futura, cognomento Lecanomanta dictus est, quo nomine magis innotuit, quamvis etiam Hylilas seu Hilzila nominetur. Idem Abbas fuit in Monasterio SS. Sergii & Bachi in Palatio Hormisdæ & Clericis Imperatoris adscriptus. Cum igitur Leo Imperator hunc virum ad ea, quæ meditabatur, aptum invenisset, Patriarchalis Dignitatis fastigium ei pollicetur, si, quæ optabat, effecisset, datque mandatum, ut veterum scripta scrutaretur. Joannes Imperatori obtemperans circa Festum Pentecostes anno octingentesimo decimo quarto cum quibusdam adjutoribus antiquos codices in omnibus Bibliothecis Constantinopolitanis tam Monasterio-

Sæculum IX.

A. C. 814.

*Script. post.**Th. vit. Nicet. l. 5. n. 32.**Boll. to. IX.**p. 262. vit.**S. Th. Stud.**n. 61. Post.**Th. Lib. 4.**n. 6. 7.*

Sæculum IX. rum quam Ecclesiarum pervolvere cœ-
 A. C. 814. pit. Collecto librorum magno nume-
 ro Textus a Concilio Iconoclastarum sub
 Constantino Copronymo celebrato sibi
 indicatos annotarunt; at multos libros,
 qui ipforum iudicio Cultui imaginum
 nimis favebant, flammis tradiderunt.

Sup. Lib.
XLIII. §. 7.

Antonius Metropolita Silæus ab Im-
 peratore accersitus mense Julio Constan-
 tinopolim pervenit. Is cujusdam Pres-
 byteri & Sartoris filius in Sæculo Con-
 stantinus vocabatur. Postquam aliquam-
 diu Jurisprudentiam docuisset, multo-
 rum flagitiorum sibi conscius, ne com-
 prehenderetur, aufugit, & Monachum in-
 duit. Tunc igitur misso pristino nomi-
 ne Antonius appellari cœpit. A cunis
 in Religione Catholica educatus, hære-
 sim Iconoclastarum secutus est adulator,
 ut Regiam intrare & Principis lateri ad-
 moveri liceret. Et certe ad assentatio-
 nem natura factus videbatur, nam face-
 tosus erat & aliorum facta referens au-
 dientes ad risum movebat, ut nemo ma-
 gis. Ex Monacho Abbas factus est, &
 Metropolita Silæus, nempe Pergæ, Ci-
 vitate Pamphiliæ capite, & magna Sede
 Patriarchæ Constantinopolitano subje-
 cta. Duos secum adduxit Monachos, u-
 num nomine Leontium, alterum Zosi-
 mum, cui ob commissum adulterium de-
 prehenso abscissus nasus. Ubi itaque
 Anto-

Antonius advenit, mentem suam Impe- Sæculum IX.
rator eidem aperuit & quæsit, an scri- A.C. 814.
ptum reperiretur, adorandas esse imagi-
nes. Antonius respondit: *Non est scri-
ptum, sed antiqua traditio esse dicitur.*
Ego vero, respondit Imperator, *nunquam
adducar, ut adorem, nisi in Evangelio vel
in Sancto Paulo disertis verbis scri-
ptum legerim: adorete imaginem meam.*

§. XII.

*Nicephorus Patriarcha Imperatori
resistit.*

Hanc rem usque ad mensem Decem-
brem secretam tenuerunt. Tunc
vero Imperator, omnibus ut existima-
bat satis præparatis, Patriarcham lenibus
primo verbis expugnare aggreditur, di-
cebat: *Adoratio imaginum populo scan-
dalo est. Credit, nos illas colendo pecca-
re, & hanc esse causam, cur ab Infideli-
bus vincamur. Dandum aliquid populo
est, mittamus rem nullius momenti, vel
produc argumenta cur eas adores, cum Sa-
cra Scriptura de iis fileat.* Patriarcha
respondit: *Antiquas Traditiones muta-
re non possumus. Imagines adoramus si-
cut Crucem & Evangelium, quamvis &
istud scriptum non sit.* Nam Iconocla-
stæ fatebantur, Crucem & Evangelium
adoranda esse. Interim Patriarcha,
comperto, quod Antonius Silæus Impe-